

IS CORANT'ORAS: ANTICO ROSARIO ULASSESE

A SA RUGI SANTA

Adorai tottus a sa Rugi Santa
is Missionistus candu predicanta
siat po sa morti e passioni ‘e Cristus
candu predicanta is missionistus
accodei tottus a nos cunfessai.

RIT. A SA RUGI SANTA TOTTUS ADORAI

Accodei tottus a sa vera rugi
nosu de su celu ancu'nd appeus lugì
segundu ch'adessiri agrau a biri a Deus,
nosu de su celu ancu lugì'nd'appeus
po candu su mundu eus a cambiai.

Po candu su mundu a cambiai d'eus
ca cust'est sa rugi agantu est mortu Deus
ca d'iad'tentau Adamu sendu in s'ortu
ca cust'est sa Rugi agantu Deus est mortu
ca d'iada tentau Giudas po peccai.

Ca d'iad'tentau non ca d'iad tentau
po du traiggiri sidd'ad'abbrassau
e calma su giustu c'has a tenni sa fidi
sidd'ad'abbrassau po du traigiri
e dettat paperi po du catturai.

E dettat paperi e non dettat paperi
Giudas maladittu si d'est postu meri
de penas ch'hat bitu su paperi scrittù
postu si d'est meri Giudas maladittu
ca ha bendiu a Deus po trinta inaris.

Ca bendiu a Deus po inaris trinta
custu est unu mari de grazia infinita
Giudas es su primu chi at fattu sa stansia
custu esti unu mari de infinita grazia
cia peri su coru su due pensai.

Cia peri su coru non cia peri su coru
E comente fillu ‘os’amu e ‘os’adoru
E a d'ogni ora mamma osta lamu
E comente fillu ‘os’adoru e ‘os’amu
Cun tottus e chi siada fragili a peccai.

Cun tottus est chi siada e cun nottua e chi seus
Cun tottus est chi siada piedosu Deus
E non mirid’Issu a su chi feus nosu
~~Cun tottus est chi siada Deus Piedosu~~

E che bonus fillus e non che bonus fillus
Beniu ncia paras de bonus consiglius
Che andanta cun Deus e non funti solus
Beniu ncia paras de consiglius bonus
Chi su cristianu non si perda mai.

Chi mai si perdada su cristianu
cuddu chi si pesada dogna mengianu
segundu ch'adessiri ausa ausa avesada
cuddu chi dogna mengianu si pesada
faccasi sa Rugi ainnanti de succai.

Faccasi sa Rugi e sa Rugi si faccada
cosas cantu olidi Deus nos acansada
e benis chi nosu non di minesceusu
cosas cantu olidi nos acansa Deus
e donnia beni ch'eus a disigliai.

E donnia beni e non donnia beni
ma nosu de fidi du depeus crei
ca po mori nostra anti acciotau a Deus
ma nosu de fidi creiri du depeus
ca po nosu morti a bolliu pigai.

Ca po nosu morti non ca po nosu morti
ainnanti 'e d'occiri d'attroncit'a forti
e a domu e Pilatu du portesti
ainnanti 'e d'occiri a forti d'attrocenti
a funi a su sugu e cun d'una cannita
ca du spassiglianta a sonu 'e trumbitta
e de passu in passu infranta a d'acciotai.

E de passu in passu e non de passu in passu
ma Giudas po Deus fudi istau farsu
e a sora a sora d'iada ingannau
ma Giudas po Deus farsu fudi istau
e immoi sa cadena no da sega mai.

E immoi no da sega mai sa cadena
ca de Deus ia bittu pagu pena
candu dia bittu attordiu e afflittu
ch'iat bittu pagu pena de Gesu Cristu
marteddu e tenaglia ha bolliu a du incravai.

Marteddu e tenaglia e tenaglia e marteddu
ca is ispinas calanta finas a su cerbeddu
finas a su cerbeddu calanta is ispinas
e Deus nienti senz'e si chesciai.

E Deus nienti e non Deus nienti
a sa mamma sua candu si du nerinti
incrispada is passus e poni sa vua
candu sidu nerinti a sa mamma sua
anda sola sola a su monti a du giccai.

e a moda de is bandius atteglionau
e agatideddu in sa notti incravau
e nimmanc'a prassa da lessinti intrai.

E nimancu a prassa e non nimancu a prassa
e bestantanceddi in su coru una lansa
sendu in sa columnna e sendu sanu e bonu
e bestantanceddi una lansa in su coru
e pungi longeu po non biri mai.

E pungi longeu e non pungi longeu
a s'ora e sa lugì si du torri Deus
e sambini giustu in cara di fergesti
e a s'ora de sa lugì Deus si du terresti
ca custu d'ha fattu ainnanti de spirai.

Ca custu d'ha fattu non ca custu d'ha fattu
a innoi abbascidi su Spiridu Santu
su Spiridu Santu gai'nc'esti abbasciau
sa corona de spinas a sa Mamma ha dau
e is tres obilus po dus osservai.

E is tres obilus e non is tres obilus
e prangei tottus mannus e pittius
ca Deus est mortu a is trintatres annus
e prangei tottus pittius e mannus
candu du portanta a du sentenziai.

Candu a du sentenzia du portanta
in d'una fossa noa incid'aparicianta
beni suggellada de maistus de proa
incid'aparicianta in d'una fossa noa
beni suggellada po no da segai.

Po no da segai beni suggellada
dus ominis armausuanca due corcanta
fendu sentinella a sa moda de sordaus
anca due corcanta dus ominis armaus
fendu sentinella po non benni a pari.

Po non benni a pari fendu sentinella
sa notti ha bessiu in su mari una stella
illuminosa e bella issiriendu a Deus a risuscitai.

A risuscitai issiriendu a Deus
ma nosu po babbu de tottus du teneus
mannus e pittius e bius e mortus
nosu du teneus po babbu de tottus
po candu sa gloria nos possa donai.

A SA RUGI SANTA TOTTUS ADORAI.

IS CRUDELIS

Fillus chi boleis formai
e de lagrimas due errius
RIT. IS CRUDELIS DOLORIS MIUS
UNU PAGU CONTEMPLAI

Custu coru trapassau
o si mova cumpassioni
candu su profeta Simeoni
mi d'iada profettizzau
de biri unu fillu amau
in d'una grugi incravau.

Unu Erodi persighendi
a s'infanti miu Gesusu
su dolori es prusu e prusu
bandad'in mei aumentendi
de su furori iscapendi
a Egittu bandu abitai.

Seu de penas ingiriada
po tres dis circu e non biu
a s'amadu fillu miu
ch'in su tempiu disputada
biendimi abandonada
non mi possu consolai.

Restu gasi dismaniendu
ca sa pena es troppu forti
cundennau a infami morti
unu fillu contemplendi
sa grugi a pala portendi
a penas podidi andai.

Mi manca giae su respiru
candu in sa penosa grugi
de custu mundu sa lugì
s'eclissada deu d'amiru
m'esti alleviu su respiru
consulu su lagrimai.

Una crueli lansada
chi su petus d'adi apertu
de 'nu fillu ancora fertu
a mei mamma trubuliada
po is penas seu riservada
bivu solu po agonizzai.

Sola restu in amargura
de tottus abandonada
ca de mei s'esti appartada
s'allegria e sa dolciura
una trista sepoltura

In sa solidadi trista
restu imoi disconsolada
de angustias ingiriada
de afflitionis provista
audì urriu sa vista
penas solu depu incontrai.

Cuddu cosu chi tenia
cuddu contentu in Betlemme
s'ingrata Gerusalemme
t'ha convertiu in agonia
in custa tanti allirghia
anti a bennir a ripari.

In custus funti paraus
cuddus angelicus Santus
in donnia ossequis Santus
de tres reis umiliaus
tottu funti cambiaus
in penas po trumentai.

Donnia cumentu tenia
su mirai solamenti
fillu tantu obbidenti
fillu causa de allerghia
fillu chi sa tirrania
solu ha possiu sepultai.

Fillu tanti maltrattau
fillu tanti persighiu
nara populu attriviu
ita dannu t'ha causau
poita t'adi illuminau
tui d'as boffiu acciotai.

Poita chissu ha restituiu
a is surpus sa vista
poita chissu a sa conquista
de is anima est bessiu
de porpora d'as bestiu
po ti ndi podis beffai.

Poita sustentu as donau
cun abbondansi'a is famius
poita medas consumius
de malaidus as curau
e mortus resuscitaus
morti d'as boffiu donai.

Mortalis chi camminais
e andais po d'onnaia via
narai si a sa pena mia
simiglianti d'incontrais
narais ca non d'agatais
beridadi eis a nai.

e de coru du s'amais
s'affligida mi narais
su motivu gaij iscieisi
es giustu chi cunfesseisi
si mi possu lamentai.

RIT. IS CRUDELIS DOLORIS UNU PAGU CUNTEMPLAI

ITA FILLU BELLU CHI TENI MARIA

Ca Maria teni su megliu tesoru
cara che diamanti de argentu e de oru
cun cosa uguali fatta in perfezia.

RIT. ITA FILLU BELLU CHI TENI MARIA.

Cun cosa uguali imperfezionada
su 25 marzu es chi s'esti incarnau
e po indi pesai donnia imbarassu
incamada sesti su 25 ‘e marzu
po sensai sa gherra e i sa perfia.

Po sensai sa perfia e i sa gherra
Deus de su cielu es beniu a sa terra
po conquistai cust'anima perdia.

Po conquistai e fairi cumbidusu
Deus in sa porta e Bellei e naschidu
e gioia ch'adessiri a chi non d'ada a crei
Deus es naschidu in sa porta ‘e Bellei
e in d'una stadda pittia pittia.

E in d'una stadda in mesu s'animalis
non di duai andau de cuddus principalis
su pastori est su primu chi d'ada bisitau
de cuddus principalis non di duai andau
fetti ch'anti fattu differenti via.

E fetti ch'anti fattu via differenti
cuddus tresurreis des'orientamenti
e cun d'una stella crara in cumpangia.

E cun d'una stella in cumpangia crara
su rei Erodas indi precontada
e de s'innocenti facasindi dudas
ca indi precontada su rei Erodas
cun coru giocundu e cun traittoria.

Cun traittoria e cun coru giocundu
a s'Egittu s'indanda su ninnu Gesusu
po non bennir a paris cun Erodas prusu
po non beinnir a pari a s'ortu caolia.

Po non bennir a pari e po non bennir a pari
po no si serbiri e po nos s'amai
oras e momentus cantu adi in sa dì
e po nos s'amai e po serbiridosì
ca s'est lassau su peccai in perfezia.

E ca lassau in perfezia su peccau
a idadi de 12 annus est chi d'anti agatau

agatau danti a idadi de 12 annus
in mesus is dottoris de Teologia.

In mesu a is dottoris facantedi fama
e cantu sind'esti abregiada sa mamma
ca d'anti avistau a cara de gloria.

Ca d'anti avvstau a cara gloriosa
cara osta tunda che foglia de orrosa
ca sa cavagliera osta già est brunda
che foglia de orrosa cara osta tunda
ca onad'a pappai a tottu sa regia.

Ca onad'a pappai e non donad'a pappai
cussa gai est prenda de podiri istimai
ca non c'est dinari chi paghadi sa sienda
custa de istimai gai est prenda
e non c'est dinari chi paghidi su ducau
ca consolada bagadiu e coiau
e cantu a su mannu e cantu a su pittiu
ca consola coiau e bagadiu.

E salve reina de tottus isurreis
Mamma capitana de tottus is figlius seis
ca tenia sa prus arta gerarghia.

RIT. ITA FILLU BELLU CHI TENI MARIA

E DE TERRA SOI A TERRA APP'A TORRAI

E de terra seus mannus e pitiusu
Fines is piglionis chi funti in is niusu
fines e i cussus contu anti a dai.

RIT. E DE TERRA SOI A TERRA APPU A TORRAI.

Fines ei cussus anta a dai contu
eita indi tenis de abbrassai tottu
e de su chi tenisi donendi a chi non d'ai

E de su chi tenisi donendi una parti
che sa primu cosa chi andada ainnanti
che posta in assentu ainnanti 'e succai.

Che posta in assentu non che posta in assentu
sa cosa chi lassasa in su testamentu
ca non ses segura de t'indi mandai.

Ca non ses segura chi meda indi olis
po candu intendias is predicatoris
e andasa in trattu de t'indi beffai.

I andasa in trattu de t'indi fais beffas
ca de su chi naras mai non tu pensas
ca fainti festa is peccaus impari.

Ca fainti festa e fainti cumbidusu
cuddu Santu Perdu unu libru ha betiu
e i due ponid tottu beni e mali.

E i due ponid tottu mali e beni
in cui due fudi s'angiulu Gabrieli
in cui due funti s'angiulus divinus
sonendu is chitarras e is violinus
e de cussus sonus su rei non dai.

E de cussus sonus non dai su rei
cunfessadi beni cristianu e crei
e corca in su lettu e dormi cun paura
ca non ses seguru de t'indi pesai.

E de terra soi a terra su sepultu
poga non isciu su tempus chi sucu
ca su descoidu m'ada a ingannai.

M'ada a ingannai ei su discoidu
po cussu ti olisi beni prevenidu
comente sordau chi andada a sa gherra.

Commenti sordau chi andada a sa gherra
e mai nascidu inc'essi in custa terra
e mai nascidu inc'essi in custu mundu
po ca minci perdu e minci cunfundu
e a gita torra su preferiai.

E CUNSIDERANZA MORTI PECCATORIS

E cunsideranza morti peccadoris
e cunsideranza morti non ti incurusi
e non gargaglisi e non murmuris
est fetti sunfreddu cun passioni.

RIT. E CUNSIDERANZA MORTI PECCATORIS

Est fetti sunfrendu po amori ‘e Deus
ca moi sesi intrau in manus de Giudeu
ca de sendu biu d’ianta incravau
in manus de Giudeu ses intrau
po cussu si fu fattu Creatori.

E po cussu Creatori si fu fattu
e donnia cosa a manu sua ha fattu
formada sa notti formadu ha sa di
e donnia cosa a manu facasi
e singialintedi in s'ortu unu prantoni.

E unu prantoni in s'ortu di singialada
e custas paraulas Adamu di nada:
«Non mi tocchis frori, nin fruttu, nin cambu»
e custas paraulas di narada Adamu:
«Mira s'indi toccas faismannus erroris».

Mira s'indi toccas fais erroris mannus
bandisindi Eva accantu fudi Adamu
ca d'iada tentau che meglius personi.

Che meglius personi ca dia tentau
e ma candu Adamu a s'arberu s'est mirau
ei s'ada agatau in guturu unu amu
e ma candu s'est mirau a s'arberu Adamu
s'est bittu ispollau de da servassioni.

S'est bittu ispollau e ispoliau in tottu
e in saras Adamu incintrada a s'ortu
aici peccau apu bogliasa o non bogliasa
in so'ra Adamu si spiccadatres foglias
po si das imboddiai in sa personi.

E in sa personi po si das imboddiai
candu Gesusu Cristu fudi a du lamai
tenia bregungia de arrespundideli
candu Gesusu Cristu vu lamendudeddu

E in d'unu ingroni d'agata cuau
e custas paraulas Deus d'ha nau:
«Immoi campadì a trebagliu e a soli».

A trebagliu e a sali immoi campadì
e beru ch'ap'essi cundennau a morrimì
e pungiantedu a ferru e a prospori.

E pungianteddu a prospori e a ferru
po is cristianus non ‘ciada amugerru
incravau d’anti a peis e manus
non ‘ciada amugerru po is cristianus
po essiri bosu Celesti Signori.

RIT. E CUNSIDERANZA MORTI PECCATORIS

**Reina proite ammantada sa cara bianca che nie
NADE SIGNORA PRO CHIE SU MANTU NIEDDU PORTADES?**

Pro chi'est custu corruttu
pro chi'est custu fastizzu
bos ha mortu calchi fizzu
o calchi persona 'e fruttu
in dolu custas edades.

RIT. NADE SIGNORA PRO CHIE...

Bos ha mortu pro avventura
calchi fizzu in pizzinia
ch'est sa prus forti agonia
de una umana creatura
pro chi est cussa tristura
pro chi tantu lastimades.

Declarenti cun raioni
sa pena senza ha connottu
chi dev'essere su mortu
alcuna grande persona
de nobile cundezione
e de menzus calidades.

Pro chi est tantu dolorosa
pro chi est tantu affligida
pro chi est tantu sentida
proita tantu fastizosa
dev'essere preziosa
sa prenda chi sospirades.

Azis su coru attristadu
pro calchi bonu maridu
o calchi fizzu nodidu
est sa prenda chi s'es mancada
nade comente es costadu
su mortu chi lastimades.

Alzade, Signora mia,
unu pagu cussu mantu
e naradesi in attretantu
pro chi est cussa agonia
chi tottus sa cumpangia
de penas alleviades.

Umilmenti bos pedimos
chi sa cara nos mostrezis
ca no ischimos chi sezis
si sa cara bos bidimos
in su dolu conoschimos
sa nostra penalidades.

A casu, Signora mia,
sezis cudda lastimada,
afflitta, disconsolada

e de contrariedades.

Unu Fizzu Celestiale
ha mortu a issa temene
a tottus faghia bene
a nemos faghia male
cun cussu dolu mortale
su coru nos trapassades.

Signora posta in fastizzu
nademu cun trista boghe
de su mortu chi est inoghe
bos tocca de parentizzu
si a casu es bostru fizzu
su mortu chi abbrassades.

**Isculta populu amadu eo so posta in corruttu
PRO FIZZU MEU DEFUNTU GIUTTU SU MANTU
ATTRISTADU.**

Populu meu elegidu
populu meu istimau
proite mi as crucifissau
su Fizzu meu nodidu
proite mi l'asisciupidu
proite mi l'asazzotau.

Mi preguntas po su mantu
proite lu portu attristadu
tue mi l'as causadu
custu dolu e custu piantu
respundi populu ingratu
tui sa morti l'astrepessadu.

Ita mali t'apu fattu
ite agravios as connottu
pro l'acabare in tottu
finas a lu ides disfattu
rispondi populu ingratu
proite mi l'as incravadu.

Ispetta populu meu
non sias tantu ostinadu
proite su coru as lansadu
a Gesus fizzu 'e Deus
proite mi l'as fattu feu
e de spinas coronadu.

Proite poveru es naschidu
proite cun bestias corcadu
proite de Erodes burladu
de tirannus persighiu
finzas chi l'as distruidu
finzas chi l'as incravadu.

E pro trintatres annos
cun fatigas e dolores
cun travaglios e sudores
cun lamentos e affannos
pro favores medas mannos
custa paga l'as torradu.

De grandesa e magestrade
m'este afaltada sa corana
sende nobile padron
como posta in solidade
pro amore e caridade
su coru m'as trapassadu.

Non siades pius tirannos
cun su Deus de s'altura

benides sos cristianos
ca sos coros inumanos
gasi l'ana abandonau.

Devotos mios benides
cun su coru umiliadu
de d'ogna culpa e peccadu
de coros bos ripentides
suspirende e pianghende
de custu mali operadu.

Proite poveru es naschidu
proite cun bestias corcadu
proite de Erodes burladu
de tirannus persighiu
finzas chi l'as distruidu
finzas chi l'as incravudu.

RIT.

**PRO FIZZU MEU DEFUNTU
GIUTTU SU MANTU ATTRISTADU.**

DEUS TI SALVET REINA

Deus ti salvet Reina
chi ses Mamma piedosa
pura e fragranti rosa
de paradisu. (Bis.)

Ses allirga in s'errisu
po d'ogna sconsolada
po d'ogna tribuliada
ses su respiru.

A tui prangiu e suspiru
in custa valle oscura
Maria tottu durciura
e tottu amore.

Mamma de su Signore
cun mirada piedosa
materna e amorosa
castiainosi.

Maria difendisì
de mali mari e cielu
e a fillu tuu in su Celu
fainosì biri.

Chi possas figgiri
de d'ogni occasioni
de forti tentassioni
de peccau.

Po podiri accabari
in d'una santa morte
e in sa felici corte
as'arriciri.

Ini tottus unius
canteus eternamente
durci pura e clemente
i ses Maria.

Laudada sempri siada
s'Immaculada Virgini Maria
sempri siada laudada
sa Virgini Maria Immaculada.

Virgini Immaculada
de maccia limpia e pura
prena de amarguras
ti saluteus.

A tui sola pregausu
regina angustiada
de penas ingiriada
e de doloris

E nosu peccadores
tottus umiliaus
a tui sola pregausu
mamma afflida.

Consolanosi in vida
po cumpiri sa lei
de su Divinu rei
onnipotenti.

Giai chi ses clemente
liberanosì de pena
de is duras cadenas
de s'inferru.

Pusti custu dinserru
de su mundu ingannosu
donainosì su gosu
in paradisu.

Sempri siada laudada
sa Virgini Maria Immaculada
laudada sempri siada
s'Immaculada Virgini Maria.

E MAI IN SA MORTE NO APPU PENSAU

E mai in sa morti no appu pensau
e mai in sa morti e non mai in sa morti
sonnada mi soi unu sabadu a notti
e tottu s'inferru m'iant amostau.

RIT. E MAI IN SA MORTI NO APPU PENSAU

E tottu s'inferru amostau m'ianta
e Gesu Maria, anca faianta
cun su sonadori e a ballu parau.

Cun su ballu parau e i su sonadori
e i su penitenti e i su cunfessori
sciollendideddi a issu su peccau.

Isciolleddideddi su peccau a issu
in cui due fudi su giuggi e i su missu
faendu verbalis a s'arrenegau.

Faendu verbalis e non faeundu verbalis
in cui due furint tottu is prensipalis
de sambini de poburu gai'nd'ainti tirau.

De sambini de poburu e de poburitu
po mori de sa superbia in cui due fudi s'erricu
de pampas de fogu beni ingiriau.

De pampas de fogu e non de pampas de fogu
E, Gesu Maria, su biri cussu logu
ca faidi a prangiri a chi no ha peccau.

Ca faidi a prangiri e faiada a prangiri
ca est malu logu i est malu a finiri
a cantu portanta su cundennau.

E a cantu portanta tottu is peccadoris,
urreis e giugis e imperadoris,
po su mali esempiu chi nos anti onau.

Po su malu esempiu non po su mal'esempiu
e Gesu Maria, custu gai du sentu
po chi due sia deu trallarau.

Po chi due sia trallarau'eu
po cantu appu a biviri app'a pregar'a Deus
chi de cussu logu ndi sia scrancau.

Ndi sia scrancau deu de cussu logu
gai t'indi ogliu donai de fogu
prumu, oru e prata scagliai impari.

E a cantu portanta is de naigu sorti

e Lei de Deus no appu imparau.

E Lei de Deus e non cumandamentus
a due'nd'airi in s'inferru de turmentus
po ca mai ispera no du adi intrau.

Po ca no du'adi intrau mai ispera
Santu Gianni bellu portai sa candela
e grazia chi ancora no ha domandau.

RIT. E MAI IN SA MORTI NO APPU PENSAU

ARREINA DE SA SOLIDADI

Arreina 'e sa solidadi
cristianus adorai
a su Santu Corpus de Deus
ita fillus malus che seus
sentenziaus a sa morti;
Giudas cun cadenas fortis
de s'ortu 'nd'a bogau,
Giudas sidd'ad'abbrassau
cun lansas e cun ispadas,
feridas e assappuladas,
feridas a facci in terra,
du portanta che sordau in gherra
du portanta a son'e trumbitta;
sa mamma 'ndi fudi in circa
tottu sa notti prangendi,
e de coru sospirendi
a suspirus de su coru:
«Bittu m'eis cuddu Tesoru?
Bittu m'eis a Fillu miu?
Ca mi miru e no du biu....
A chi sceda m'ind'adi a dai
sa gloria adi a gosai,
manna siada o pittia,
ad'a gosai sa gloria».
«Neridi, Munsignora mia,
ite figura portada?
Figura de cavaglieri in spada
Unu innoi 'nd'a passau
de Giudas malitratteau».
«Cussu est Fillu miu, o Deus,
cussu fu fillu miu amau
in sa colunna accappiau.
Non d'eis tentu piedadi?
A morti mi du portesti
cara istella luminosa».
Deus ti salvet Maria
arreina de sa solitadi.

DEUS AT CREAU IS COSAS IN D'UN'ORA,

RIT. Deus at creau is cosas in d'un'ora,
fetti solamenti cun d'una mirada,
ca sa mamma sua fu Nostra Signora
Arreina de su celu coronada.

Arreina de su celu perfettu,
de sa primu notti de su nascimentu
tenit d'ogni cosa in sa menti inserrada.

Tenit d'ogni cosa inserrada in sa menti,
su babbu putativu fu Santu Giuseppi,
ca fudi su sposu de Maria Sagrada.

Ca fu su sposu de cudda prus bella
po primu singiali formau adi una stella,
faccias a Bellei s'est incamminada.

Faccias a Bellei, non faccias a Bellei,
a cantu due fudi su poderosu Rei,
Deus d'ha fattu po sarbai a nosu
e agantu fiada su Rei poderosu,
e in d'una stadda de paglia spainada.

RIT. Deus at creau is cosas in d'un'ora,
fetti solamenti cun d'una mirada,
ca sa mamma sua fu Nostra Signora
Arreina de su celu coronada.

E CHI PECCU E MORGIU

E chi peccu e morgiu, ita contu appu a dai?
E chi peccu e morgiu it'appu a dai contu?
C'appu andai a peis de su sacerdoti
andu carrigau po mi scarrigai.

RIT. E CHI PECCU E MORGIU ITA CONTU APU A DAI?

Po mi scarrigai, andu carrigau,
candu Gesu Cristu m'adi ammelessau
e fatt'ia giura de non peccai prusu,
cand'ammelessau i m'ai Gesusu,
ch'app'andai a logu agant'appu a pagai.

E ch'app'andai a logu, non ch'app'andai a logu,
giai nd'appu a bolli donai de fogu,
prumu, oru e prata iscallaus in pari.

Prumo, oru e prata o ollu buddiu,
e cand'asi a narri, s'aremigu miu,
e cand'asi a narri, s'aremigu mudu:
"E portaiceddu a su forti seguru
e chirchinti pratu ch'ollu a mandigai".

E chirchinti pratus e non chirchinti pratus,
piberas e arranas segadas a tappus,
fuccia ca non nd'as a bolliri pappai.

E ca non nd'as a bolliri pappai,
fuccia a tenaglia t'anti aperri sa ucca
e a truppi t'anti a fairi pappai.

E a truppi a airi pappai t'anti,
su chi non castigada su corpus ainnanti
e in caddu mandu già nd'errici de corpusu
su chi non castigada ainnanti su corpusu,
in s'inferru d'anti a biri a isciala.

RIT. E S'ANIMA MIA PO SU CORPUS CUNDENNADA.

In s'inferru d'anti a isciala a biri,
candu in sa stadea non anti a ponniri
e i s'aremigu chi poni, sa pelea
candu nos anti a ponnir in sa stadea,
de manu e de coa tirat sa romana.

De manu de coa aggiudada a tirai
e Deus torrant a crocificai,
e mali che peus ca furinti is Giudeus,
a crocificai torraus a Deus,
e a funi a tira e a cadena a pala.

E a cadena a pala e a cadena a tira,
po chi prus de mei passis mala vida,
nara_eita portas? Indaremigau!

RIT. PO SU CORPUS S'ANIMA I M'HA CUNDENNAU

Indaremigau! Nara eita portas?
Candu Gesu Cristu m'adi apertu is portas
cun d'una stoccada in su sacru costau.

Cun d'una stoccada in su Sacru suercu,
po candu faianta cuddu giuramentu,
cuddu giuramentu de is atteras bias,
Nostra Signora cun is tres Marias,
po candu su figliu ndi udi afartau.

RIT. PO SU CORPUS S'ANIMA MIA HA CUNDENNAU.

DISPEDIA DE GESUSU A MARIA

Giai chi restas ordinada
cun divina providenzia.

**RIT. O MAMMA DAMMI LICENZIA CA BANDU A MORRIR'
INCRAVAU.**

Giai chi non possu iscusai
fizzu chi mi domandas.

RIT. DEU BENZU CHI TUI BANDAS A MORIREMUS IMPARE.

Mamma sa prus affligida, arribau est su tempus meu,
a manus de giudeu depu rendiri sa vida,
ordinanza istituida po cuddu primu peccau.

RIT. O MAMMA DAMMI...

Fizzu meu preziosu crudel'est custu decretu,
po chi tue restis in afettu subra sa Rugi incravau
Fizzu cantu t'est costau de Adamu su mandigare.

RIT. DEU BENZU CHI...

Adamu pecca mandighende e deu unu pagu penende,
Adamu pecca divertende, e deu unu pagu merende,
Adamu su fruttu gosende, e deu in sa Rughe incravau.

RIT. O MAMMA DAMMI...

Preparau m'anti pastori, in cussa idade florida
e non intregheus sa vida, a su giudeu furori
pero creo chi s'amori, non ti lessi riposai.

RIT. DEU BENZU CHI...

Tenendi Adamu su sabori de cuddu fruttu fidau,
po mei est apparicciau pena, margura e doloris,
ca de s'omini s'amori su coru mi nd'ha furau.

RIT. O MAMMA DAMMI...

Cali coru non deped sufriri, biendu a tui in tormentu?
Chi deu tenia sustentu biendu a tui patiri
finsa sa pena sentide de bene casu singolare.

RIT. DEU BENZU CHI...

Non tenidi appellasione custa terribili sentenzia,
faghe depu s'obbedienzia senza alcuna debensione,
po dare Redensione a su mundu cativau.

RIT. O MAMMA DAMMI...

Fizzu sa benedizione chi domandas tue a mie
da domandu deo a tie cun vera sommissioni,
po sa tua passioni non ti possu consolai.

RIT. DEU BENZU CHI...

Benedittu dia su cantu po cuddu Etemu rei
benedittu sia de mei e de su Spiridu Santu
de cuddu celesti mantu benga consolu sobbrau.

RIT. O MAMMA DAMMI...

Benedittu puru sia su latti chi t'appu dadu
e sambini chi appu aministrau po ti podiri ingenerai.
RIT. DEU BENZU CHI...

Addiu Mamma attristada, addiu Mamma affligida
de doloris assistida, de trumentus ingiriada,
po impari destinada de su meu apostolau.
RIT. O MAMMA DAMMI...

S'AGELU MIU GUARDADORI

S'angiulu miu guardadori
po guardai s'anima mia
mandau seis de su redentori
e de sa santissima trinidadi
po mi fairi cumpangia
liberanosì de sa tentassioni
e de s'aremigu infernali
custas animas dolentis
nosi tengianta presentis
a is portas de paradisu
Santu Pissenti Ferreli
Santu Conzaga Luisu
e Santu Effisi guerrieri
nosi tengianta a su fiancu
nosu de custa arassioni
non di faccausu de mancu
ca Giuda, Santu Simeoni
Santu Giucu e Santu Luca
prima de custa preghiera
attru non si essada de ucca
Santa Orrosa e Santa Sera
Maddalena, Marta e Maria
finas a s'ora de sa morti
nosi faccada cumpangia
Gesu ita bella sorti
a is angiulu de sa gloria
po scherciai de sa tentassioni
ch'eusu a binciri sa vittoria
Santa Barbara, Santu Geroni
Santu Franciscu e Santu Orroccu
ca sa Rugi mi cumenciu
e in su lettu miu mi corcu
candu sola sola pensu
semprì a sa sepoltura
chena atturu peccau
mi cunfessu cun premura
Gesu, Santu Liberau,
Gesu, Santu Serafinu,
a is angius de su lettu
unu pe parti de coscinu
‘os'abbrassu cun affettu
sa celesti cumpangia
o si saludu tottu impari
Gesu, Giuseppi e Maria.
A is poverus navigantis
sarbai ir benefatoris
e de terra ir viaggiantis
Deus miu intercessori
i du tengiausu in sa custodia
e nos'incontreus impari
e poi a sa Santa Gloria
e de meglius piedadi
e ancora isi incredentis
sarbai su generi umani

Gesu, Santu Gaetanu,
Santu Franciscu e Santu Giuachinu
i du tengiausu in dogna logu
Maria De Bonu Camminu
e Santu Antoni de su fogu
i du tengiausu a difensori
cun s'agiudu de Damianu
e Santu Cosimu Dottori
e de veru cristianu
custa preghiera ha resu
inserr'a Santu Agostinu
candu i mi corcu e mindi pesu
Santu Gianni continu
Luca, Marcu e Matteu
custa vera beridadi
chi non sia prusu reu
de tottus ir Santus chi'incia
e deu su meschinu
i mi pigu su riposu
Santu Gianni continu
chi non morgia bisongiosu
de sa santa eucarestia
o si saludu tottu impari
Gesu, Giuseppe e Maria
a bosu sempri pregu
tottu paris os'intregu
su coru e s'anima mia
Gesu, Giuseppi e Maria.

SANTA CADELINA

Santa Candelina, Vergini imbiada,
sa sposa de Deus sias istada,
sa sposa de Deus e Onnipotenti,
in celu e in terra paristi lugenti,
in celu e in terra lugenti parestisi
e de cuddus tregi lunis aunistisi,
essendu in caligi, in celu e in persona
Santa Candelina, Vergini imbiada,
faeinosis accetta cust'arasioni.

Toccad'ant'a Santu Perdu,
s'arasioni de sa grassia
cust'arasioni accansada,
cristianu, de sa gloria,
de mali nos libereus s'orosariu de Maria.

Sa devota cunfraria de su divin'orosariu,
accodei a su Calvariu, accumpangiai a Maria,
che beniu su Messia cun d'una grandu favori,
non mi lameis prus Maria, fetti mamma de doloris.

Deus ti salvet, Maria, chi ses de frori de ligliu,
ca sa mamma cun su figliu tenit sa grassia in manu,
po unu solu peccau chi ha fattu Adamu in s'ortu,
po cussu Cristu s'est mortu e in sa Ruggì incravau.

In git'istas, cristianu, e non domandas perdonu?
Domandasiddu de coru a s'amabili Gesusu,
de no d'offendiri prusu in tottu sa vida mia
saludeus a Gesusu, a Giuseppi e a Maria.

Deus ti salvet, Maria, chi ses de grassias prena
de grassias ses sa vena e sa currente
cuddu Deus Onnipotenti chi cun tegus est istau
po chi sias preservada e Immaculada.

Beneditta e laudada, subra tottus gloriosa,
Mamma, fizza e sposa de su Signori,
Benedittu su fiori e fruttu de su sinu,
a nois is peccadoris nos perdonet.
Medas grassias nos donet in sa vida e in sa morti
e in sa diciasorte in Paradisu.

Grugi Santa, benedetta, in su coru da portu scritta
e in brassus abbrassada, po chi sias preservada e Immaculada
de su sanguini arriali camminu perfeziali
camminu fattu a derettu
sia sempre laudau su Santissimu Sacramentu.

Beneditta Ruggì Santa, palma de celu bianca
chi ses s'avvocada nostra, Gesus Cristu d'ha disposta
no nos podiri sarbai
intendiu d'appu a perdicai de un angelu perdeperu
abbasciau de su celu cun su Signori presenti.
andeus tottus unitamenti a sa gloria nos lugì